

中華民國郵政局特准掛號認爲新聞紙類

中 華 民 國 三 年 三 月 廿 五 號
湖 南 官 書 報 局 印 行

湖 南 政 報

本報價目

一 本報按照陽歷每日出報一本
每分每月收回大洋六角
零售每分銅元三枚

一 外埠購報郵費以購報之多寡酌加
一 夫役送報如有遺漏請即函告以便補發

印刷 學院街官書報局印刷課
發行 文運街官書報局總發行所

目錄

命令

大總統令 京電

都督兼民政長令

指令茶陵縣知事 呈報改組並委任科長等由

指令安鄉縣知事 呈到任後辦理一切情形由

訓令 各觀察使 各屬知事 轉發大總統宣言書由

訓令 省警察廳 財政部 電取銀行代理金庫章程報部一案由

訓令 湖南銀行 奉 財政部 電據地方官竭力維持由

訓令 長沙 衡陽 縣知事 奉 財政部 電據地方官竭力維持由

訓令 各 縣 知事 嚴飭商速繳 礦界年租由

訓令 公私立各法政專門學校 准並劃一文件名稱及遵擬各班學生補習情形

指令 警察廳 該廳三年度概算已經本署按減核訂彙編各情由

指令 鐵路學校校長 據呈奉令停辦鐵路學校擬定各班收束辦法並請發教職員薪修另派員經理由

指令 中路鑛山監督署 據呈查明中路各鑛產公司未領照及辦理情形飭再詳細呈復由

訓令 貧民工廠 據實業畢業生段作敏條陳各節仰飭該廠參酌辦理由

指令 武岡縣知事 為寶慶赴武岡採辦穀米應准放運一案由

指令兩湖米捐局 遵令籌畫阻
禁情形由

訓令長沙縣知事 據長沙李青蓮等呈請立案
保護各情仰即查明呈復由

訓令平江縣知事 據平江民洪昌俊等呈劣紳鍾聲鏗
提抽靖江藥王兩廟產仰即澈查由

訓令船政處 據沅江縣呈請飭各輪包
送到埠仰即遵照轉由

指令道縣知事 追繳省議員洪澤
濶證書由

指令湘潭縣知事 追繳省議員沈
實華證書由

公電

本省發電

都督兼民政長令各縣知事電

中央來電

內務部致長沙都督兼民政長電

約法會議致各省都督民政長電

公文

都督兼民政長致廣東民政長 據長沙知事陳據行李樹甲呈明在粵
欠解當舖銀兩自擬赴粵清理由 公函

都督兼民政長指令

令茶陵縣知事

案據該知事呈報改組署內佐治人員并派員充科長科員請備案等情查本署前定知事等次表茶陵係屬二等缺該知事所擬署內改組兩科自無不合惟知事服務規則第九條內開各縣知事公署之科長科員依畫一行政官廳組織令第七條由各該知事呈請本省民政長委任等語茲該知事請用之彭承亮等六員係何籍貫資格經驗如何本署無從懸揣應即查照前次通令將各該員年歲籍貫三代資格經驗五項分別開造詳細履歷費呈以憑核辦合行令仰該知事即便遵照辦理此令

湖南民
政長印

中華民國三年三月十七日

都督兼民政長指令

令安鄉縣知事

案據該知事呈報到任後辦理一切情形請鑒核示遵等情據此查湘政不綱魁柄下逮等長官於傀儡以暴徒爲護符凡所敷陳類皆紀實欲求整理自以清查檔案爲入手最要之圖該知事督同各科職員及前行政廳四科人員逐案清釐所辦甚是該縣地方支出前此挪用國

稅至七八千串之多實屬荒謬已極雖據劉前知事設法彌補仍應由該知事嚴催掃解以完交代而重公帑並將以前公用各欸切實鉤稽毋任稍滋浮濫其巡警一項現在知事公署既經改組前行政廳原有之警務科當然取消警務公所爲之縣警政機關所擬城區第一署裁併之處不惟于支配經費可節虛糜抑且於行使職權較爲直捷應准照辦仍遵照本公署頒定之各縣警察官廳辦事暫行章程切實籌辦以資整頓至該縣地處湖濱圍坑林立隄費之軫轉墾照之紛爭陋習相沿勢成積重所擬於城區組織全縣隄工事務所遴委正紳相助爲理固係爲慎重隄防起見惟地方水利全在良有司精神貫注隨事講求果能實力舉行自可徐收成效若如所擬辦法是不獨歲增二千餘串之支出糜費滋多且恐積久弊生轉足爲刁徒把持隄工之地本兼民政長衡諸事實未便准行應由該知事斟酌地方情形另行妥籌辦理如因助理之必要僅可臨時委任紳董分道督催較爲妥適他如城鄉學校辦理是否合法非有嚴密之視察不能爲一致之整飭挨戶闡章程本署正在籌擬不日即須頒行應暫由該知事因地制宜相機用兼籌並顧以利推行合行令仰該知事即便遵照隨時妥爲辦理具報又李鏡秋被劫一案既據獲犯何大曾天喜確鑿未便濬誅應速提同狡供之馮春海一犯確切質明迅即分別擬辦其高煥美搶案內獲到之馮福田一犯如果贓証確實自難聽其狡供亦應趕緊訊明擬罪呈候核示仍督飭小隊會合軍警一體嚴密偵緝各案逃盜務獲究辦毋任漏網切切此令

目錄

大總統令

京電

奉天民政長許世英呈請辭職許世英准免本官此令

任命孔庚兼充晉西鎮守使此令

署財政總長周自齊呈稱粵海關監督楊壽枏呈請辭職楊壽枏准免本官此令

任命呂道象爲粵海關監督此令

代理國務總理孫寶琦內務總長朱啓鈴呈據吉林民政長齊耀琳轉據吉林西南路觀察使

孟憲彝呈請任命葉廣釗爲秘書應照准此令

代理國務總理孫寶琦內務總長朱啓鈴呈據署湖北民政長呂調元轉據鄂東觀察使范守

佑呈請任命范壽桐爲秘書應照准此令

代理國務總理孫寶琦內務總長朱啓鈴呈據署湖北民政長呂調元轉據鄂北觀察使李佑

保呈請任命潘邠爲秘書應照准此令

李士銳給予四等文虎章王金綬游敬森均給予五等文虎章此令

代理國務總理孫寶琦內務總長朱啓鈴呈據湖北民政長呂調元呈稱考察屬吏分別舉劾
請予獎懲一案除黃陂縣知事陶炯照一員另案核辦外署夏口縣知事王縉才猷卓越器識
閎通歷任繁劇政聲卓著應准交內務部以觀察使存記鄖西縣知事尹志光化縣知事雷震

緝捕勤能輿情愛戴應均給予六等嘉禾章署大冶縣知事王岳燧盡心民事輿論翕然漢陽縣知事姚元昶政治保民口從公勤慎武昌縣知事史森辦事勤敏練達有爲黃岡縣知事黎廣潤任事實心才明識練署廣濟縣知事譚兆鵬勤政愛民不煩不擾署嘉魚縣知事彭光榮才識穩練辦事精詳均着傳令嘉獎以示鼓勵卸署荊門縣知事金光灼貪鄙不職捲款潛逃業經在滬拿獲解鄂押追卸署京山縣知事熊定韜性情褊急辦事鹵莽卸署孝感縣知事董秀成溺職營私民不堪擾派委調查復敢以賄營求據委員舉發有案署京山縣知事杜宗預辦事荒謬毫無振作卸任嘉魚縣知事董來雷執法營私酷嗜烟賭卸署建始縣知事方作舟科員舞弊扶同徇隱被控查實業經交廳提審署荊門縣知事陳邦彥禁烟不力玩視要政調署江陵縣石首縣知事魯宗濤辦事操切存心刻薄署崇陽縣知事鄧瑞松居心狡詐辦事乖張既據該民政長聲叙劣迹請分別褫職歸案訊辦前來應均交文官懲戒委員會查照辦理至董來雷既據稱有嗜好并即由該民政長認真調驗以肅功令此令

署財政總長周自齊呈徵收驗契出力人員請分別優獎等語山東黃縣知事郭光烈蘭山縣知事王鴻陸增收報解之數均在七萬元以上章邱縣知事劉延坦樂陵縣知事尹可與前平度縣知事韓光祚現任平度縣知事胡大莖惠民縣知事黃盛元滕縣知事周禮費縣知事王毓菁東阿縣知事李樹珽東平縣知事吳鳳生歷城縣知事李傳照齊東縣知事馬式金榮城縣知事唐鳳瑞高密縣知事王達樂安縣知事王文域昌樂縣知事黃鏞濰縣知事張汝鈞增

收報解之欸均在三萬元以上應均給予五等金質單鶴章並如所請分別支給勞績金以昭激勸其前次得獎之泰安縣知事馮汝驥光縣知事徐德潤徵收均逾十萬此次請獎之黃縣知事郭光烈蘭山縣知事王鴻陸增收均逾七萬洵屬特著成績馬汝驥徐德潤應准加給五等嘉禾章郭光烈王鴻陸應准加給六等嘉禾章用示優異此令

兼代陸軍總長周自齊呈請任命徐儒珍爲廣東都督府副官長雲瀛橋爲廣東都督府軍務課課長朱毓松爲廣東都督府軍需課課長陶敦勉爲廣東都督府軍法課課長曹鼎鍾爲廣東都督府軍醫課課長應照准此令

兼代陸軍總長周自齊呈核覆黑龍江護軍使擬以額勒恆補驍騎校請予准補等語應照准此令

兼代陸軍總長周自齊呈據雲南都督咨稱陸軍第一師礮兵第二營營長陸軍礮兵少校楊綦濫用職權致釀命案請褫革官職以示懲儆等語應照准此令

中華民國三年三月二十日

兼代陸軍總長周自齊呈稱已革陸軍第二旅旅長陸軍少將陳元泳志趣純正情罪尙有可原請予開復原官等語陳元泳應准開復陸軍少將原官此令

兼代陸軍總長周自齊呈請任命寇宗華爲陸軍步兵上校應照准此令

署財政總長周自齊呈請任命李祖年兼任山西官錢局兼晉勝銀行監理官應照准此令

代理國務總理孫寶琦內務總長朱啓鈞呈據奉天民政長張錫鑾呈請任命方大英爲秘書
應照准此令

中華民國三年三月二十二日

謹按

中央政府命令本報係照京電號碼譯登間或電碼有誤關係甚大應俟政府公報
寄到隨時查對更正

湖南民
政長印

中華民國三年三月十七日

都督兼民政長訓令

令各觀察使
省警察廳各屬知事

案奉 國務院第一九〇號訓令內開奉 大總統發下宣言書業於政府公報公布在案茲恐各省人民未及週悉特飭印鑄局刷印多分頒發各省以資遍布現據該局印就呈送前來除分發外合特令行該省民政長於奉到後即行轉發所屬分別張貼並將奉到日期具報以備查核等因附發宣言書一百八十五份奉此除遵令分別轉發所屬一體張貼外合將奉頒宣言書檢齊二份郵發該使知事 即便遵照查收分別張貼俾眾周知是為至要并將奉到日期及貼過處所具報查核此令

湖南民
政長印

中華民國三年三月十九日

都督兼民政長訓令

令湖南銀行

財政司案呈奉 財政部元電開該省國庫金收入支出現在是否由銀行代理迅即電部如
銀行尙未成立應將該代理機關名稱性質聲明爲要等因奉此查該銀行經理國庫事宜所
有組織章程一切仰卽刻日呈覆以憑報部毋稍遲延切切此令

湖南民
政長印

中華民國三年三月十九日

都督兼民政長訓令

令 常德縣 長沙縣 衡陽縣 湘潭縣 知事

財政司案呈奉 財政部元電內開據長沙大清銀行總清理處呈稱各處追收商欠請飭地
方官竭力維持等語應請查照通令各地方官遇有清理處請求代追商欠務須提前嚴追以
重公款等因奉此合行令仰該縣知事卽便遵照此令

湖南民
政長印

中華民國三年三月十九日

都督兼民政長訓令

令 中路 鑛山監督署
各縣知事

實業司案呈案准國稅廳籌備處公函內開逕復者案准貴公署緘送鑛產稅則鑛界年租一覽表土硝發票章程各一合暨憑單式樣五紙等因到處准此查各路鑛商既已領照開採自應按期繳納年租茲表內所列各商中路如仁通裕等南路如周大椿等西路如劉維翰等對於年租率皆延欠數載迄未遵章繳納應請查照另單迅賜嚴追以裕國課而肅鑛政此致附送另單一合等因准此查鑛界年租關係國課豈容各鑛商任意拖欠茲准前因除分行外合行令飭令到該署長知事即便遵照另單開列各鑛嚴飭該屬各鑛商迅來本署請領繳稅憑單持赴國稅廳籌備處將所欠年租全數完繳并飭以後均應恪遵鑛章每年二月八月兩期繳納不得私毫延欠致干懲處切切此令

湖南
政長印

中華民國三年三月十九日

都督兼民政長訓令

令公私立各法政專門學校

教育部函開逕啓者准來函并送湖南公立第一法政學校第一班別科補修別科第二三班合班別科各畢業生名冊到部查該冊內所載祇有學生姓名及年齡籍貫總平均分數殊爲疏略應飭該校迅將各班生入學年月歷年試驗各科分數及前歲軍興時

缺課日期繼續補習情形分別詳細造冊呈送本部再予核辦再湖南公私立各法政學校前
後呈部名稱往往互異殊屬淆混至應行報部之學則規程等亦未呈報齊全應飭各該校嗣
後呈部文件名稱務須一律毋得前後歧異并遵照部章詳擬各項規則迅速呈報以上各節
均請查照飭遵等因准此除分行外合行令仰該校查照 部函飭指之處迅速詳擬呈報至
嗣後該校呈 部文件名稱務須一律毋得前後歧異併仰遵照此令

湖南民
政長印

中華民國三年三月十九日

都督兼民政長指令

令警察廳

內務財政兩司案呈案據該廳前呈送三年度國家概算書到署當因核與上年度 財政部
所核預算數超過太鉅令飭切實核減去後茲據更造前來僅減去二千七百零四元仍然懸
隔鉅萬現值財政萬分困難之際 財政部鈎稽最嚴與其將來核刪何如事先樽節查該廳
本屆概算列支九萬六千六百八十元五角除 部核省廳經費二萬一千二百一十六元又
商埠經費二萬七千四百三十六元兩數作抵外竟超過銀四萬八千零二十八元五角其間
似不無浮濫自應切實刪除若竟照原案列支於事實恐亦難辦到查有補助省會警餉服裝

一欸三萬二千元雖不在該本廳經費之內惟省會警察既直隸該本廳管理當可併案開支
每年卽由該廳酌撥補助警餉一萬元并服裝費六千五百元其餘一萬五千五百元卽以移
補該廳經費是以國家之欸仍歸國家之用與 部案既不甚背馳該廳則實資挹注已經奉
署按册核訂計該廳年支洋六萬四千一百五十二元又撥付補助餉服費一萬六千五百元
則該廳每年共支洋八萬零六百五十二元核與該廳原概算數實減洋三萬二千五百二十
八元五角倘能遇事節省當不致有竭蹶之虞除彙填送部俟奉核覆飭遵外合卽令仰該廳
卽便遵照所有奉署核編該廳三年度概算書底册一本仍須繕正呈資備案此令

湖南民
政長印

中華民國三年三月十九日

鄒督兼民政長指令

令鐵路學校校長

教育司案呈據該校第六號呈稱收束辦法并開單請發教職員薪脩第九號呈稱擬定各班
辦法開單鑒核并請取銷校長派員經理各情先後到署查該校停辦善後結束辦法自應由
該校長妥爲籌畫毋庸另行派員經理惟該校當停辦之際人數衆多一旦失學驟難設法亦
屬實情着由教育司派委委員前往查察至各班收束辦法查開單開各節除建築本科原於

暑假畢業營業本科提前亦於暑假畢業均不再請公款應予變通照准外其機械本科乙班丙班建築本科丙班丁班四班咨送唐山鐵路學校肄業另開一班各節碍難照准應仍遵照部文咨送插班辦理至預科戊班兩班願送上海工業專門學校插中學班之十人該校有無中學部尙不得知應俟詢明再行定奪其願入第一師範之四十餘人及預科已班三班一半願入第一師範附屬中學一半願入高等工業預科均另開一班各節查第一師範學科與鐵路不合且無附屬中學高工亦不能開班應毋庸議以上各節除畢業各班應由該校長妥爲經理外其應咨送插班學生仍仰該校具悉心甄別另表具報并白備川資以憑核核其各教職員薪水能否續發亦應由該校自行酌奪對於公家以不超過三月份概算數爲限爲此令仰該校長即便遵照此令

湖南民

政長印

中華民國三年三月十九日

都督兼民政長指令

令中路鑛山監督署

實業司案呈案據該署長呈復查明中路各礦產公司已未領照及辦理情形請核示等情計呈公司表一合到署據此咨實業司檔案該路各鑛商已請開照者約計一百三十處已請勘

照者約計四十處該署長表載已領開照者僅一百零四公司已領勘照者僅十五公司均有不符殊欠翔實即原呈所謂查有未領照者五十六公司亦恐尙不止此數亟應分別單開已領照各鑛飭由該署長再行詳細查明於已請勘照者如屆滿一年務令遵限換領開照其未經請照者即令其照章呈請委勘辦理均勿再延致干查封合就令行爲此令仰該署長即便遵照辦理仍一面查照前令將李知事所呈一案詳細查明專案呈覆以憑核辦再懷寶迪記係一公司來表分爲懷寶永通記兩公司係屬錯誤應即更正併仰知照此令

湖南民
政長印

中華民國三年三月十九日

都督兼民政長訓令

令貧民工廠

內務司案呈據實業學校畢業生段作敏呈稱竊貧民工廠原以謀貧民之生活期實業之發達若聽辦理不善小則耗失金錢大則貽累社會國家之憂也我湘特設工藝廠位置貧民給以口食教以手工務使各勤其業各務所事而野無遊民自不至相率爲僞其利國益民可謂莫此爲善矣無如人類不齊往往不求進行虛糜公費者比比皆是假令將來此班期滿回家一事無成甚至故轍仍蹈作奸犯科無所不至亦何貴有此廠之設哉民供職該廠洞悉弊蘊

不忍緘默謹將管見所及略擬改良抽象的規則爲都督陳之一在督作宜嚴也而又日以省之月以試之合一廠貧民當時加訓習使之發奮工作人人爭自振新不敢自甘暴棄夫然後工業有起色乃觀該廠自辦理以來試問有能精一藝明一技者乎吾恐該廠有不敢應者此亟宜改良者一也一在授課宜當也夫人類資稟各有不齊在辦理該廠者宜統籌合廠之貧民見其人近於何項者卽以何項教之循序而進既無躐等之虞又獲相當之益方爲得法今觀該廠不徒無因材施教之計畫卽施之亦並不揣其人之智愚業之難易雖曰誨之諄諄其如格格不入何此亟宜改良者二也一在約束宜預也夫民旣曰貧則怠惰不振者多爲其舊習慣但律以工廠則不可聽其遊戲任意偷安務須平日三令五申詳加取締如勤者記功惰者記過等庶幾勤者益勤而惰不終惰矣然向觀該廠則實無此精神也此亟宜改良者三也一在講演宜設也人性本善其所壞者由於習相遠耳誠能於該廠職員中擇長於言語者設爲講演員俾彼隨時演說所陳各事務在平易淺近使五尺之童髮禿之叟皆聞之感泣聽之入情方爲對於貧民不負對於工廠不負今該廠並無此項之設置此亟宜改良者四也一在原料宜保也如內部所設約可綜者近念餘課其中所辦各項原料無一非小民脂膏公家血汗一不保管則損一分原料卽失一分金錢今觀該廠中人往往對此漠不經意此亟宜改良者五也以上五條實民不揣冒昧有所陳言倘蒙採納民自念亦工業學中之一分子雅願樂効寸長是否有當伏維核奪施行等情據此除批呈悉條陳各節不爲無見仰候令飭該廠參

酌辦理可也此批挂發外合即令飭該廠即便查照該半條陳各節酌量採擇辦理此令

湖南民
政長印

中華民國三年三月十九日

都督兼民政長指令

令武岡縣知事

內務財政兩司會呈據該知事呈報地方穀價翔貴寶慶來縣採辦穀碩須俟調查盈絀酌量放運一案並據寶慶縣知事李光襄呈據紳民魏光燾等呈稱做縣地段遼闊西北兩路林密菁深東南兩鄉雖稍平衍亦復山多田少而人口又極繁衍共計有一百四五十萬之多向來穀米多由武岡採運來縣以資接濟去年秋收歉薄自城鎮以及鄉村無不貧寒之戶未儲顆粒即殷實之家亦鮮蓋藏近兩月來穀價騰貴告糶無門觀茲現象大有岌岌不可終日之勢轉瞬陳月荒象更甚若不未雨綢繆則後患不堪設想前蒙廳長先後電奉湖南行政公署及國稅廳籌備處批准向武岡縣採運省分倉填倉穀二萬六千碩縣義倉廣儲倉填倉穀及平糶穀三萬二千餘碩准其免釐放行在案惟省分倉縣義倉廣儲倉穀碩現雖趕速運回亦當暫時存儲留待陳月青黃不接之時始能發糶自今日以至陳月其中尚有五月為時甚久光霽等調查現在各鄉貧戶每持錢出外尋糶多有三五日未曾糶得仍持錢返而哭泣者亟宜

設法採濟以免饑民之暴動故又經光燾等要求廳長集貲採買平糶穀碩以爲現今運回平糶之需當蒙軫念民瘼認真籌辦並承印發運票分別委任妥員前往武岡採運祇望指日可到縣以活此壹百數十萬之生靈乃近日叠接該委員等來函稱武岡地方痞徒出而攔阻聲言本縣穀米不准放運出關該縣士紳又復庇縱微特不能採買即從前購定之穀亦不能放運回縣等語光燾等聞之殊深隱憂以產穀最多又爲敵縣素所仰賴之武岡竟顯分畛域不肯通融如秦越人之視肥瘠而此數項穀碩關係全縣人民之生命又至重要倘任其阻攔則倉無顆粒之儲以備急需治至陳月而嗷嗷待哺之徒安得不激成鬧荒之暴動在光燾等雖有籌畫採荒維持治安之責任然巧婦不能爲無米之炊慈母不能保饑餓之子翹首前途不勝憂慮用特呈請廳長先生爲民請命據情電呈湖南行政公署令飭武岡縣知事剴切開導紳民人等毋得狃於故習出而攔阻并飭令派衛移營會同護送開關放行事關採荒不勝迫切待命之至等情據此知事覆查無異除電呈外理合備文轉呈鈞署伏乞核示施行等情到署據此查該縣向稱產米之區上年秋收并不歉薄寶慶民食不敷向來仰給該縣壤地毗連彼此有無自應互相調劑該知事慮青黃不接之時恐有不給先行調查籌備辦法固屬正當現在調查定已竣事寶慶與該縣唇齒相依安危與共亟宜通籌接濟毋得畛域顯分合行令仰該知事剴切出示開導地方不得任聽痞徒藉端遏糶是爲至要切切此令

湖南民
政長印

中華民國三年三月十九日
都督兼民政長指令

令兩湖米捐局

案據該局呈明米穀阻禁後應行籌辦各事宜已令飭各該局迅速妥議呈復先將大概情形呈復等情據此查核所呈裁留局卡酌用司巡各節均尚妥協除俟各該分局呈復再由該局轉呈核辦外至阻禁以後此項局卡用款應由何項開支亦應由該局長等詳加核議呈候酌奪合行令仰該局即便遵照擬辦具覆此令

湖南民
政長印

中華民國三年三月十九日
都督兼民政長訓令

令長沙縣知事

內務司案呈據長沙縣南門外晏公碼頭李青蓮等以請示立案保護事呈稱竊南門外晏公碼頭管轄治河上至猴子石下至老煤碼頭一帶區域所有百貨上下轉運歷歸晏公碼頭承

挑垂爲定章案鱗確查近忽有無恥痞徒垂涎侵佔或藉事搔擾或另僱土工或恃惡減價或越界強挑竊民等碼頭原係一種勞働家乃完全一部分窮民構成專以挑竊爲生計現在埠挑運貨物者七百餘人並家小數千人莫不以此碼頭爲活命之源此項專利並非當今新創前清時因文武衙門差事過繁民等碼頭負有承役之義務故公家予以專有之權利即現今國民等碼頭仍負有承役之義務自應仍照舊章豈容痞徒無理侵奪致喪數千口窮民之生計按照約法有保護人民權利一條爲此哀懇准予立案並出示保護以垂久遠而全生命等情據此除批據呈各情有無轉請應否准予立案出示保護候令飭長沙縣知事查明呈覆核奪此批牌示外合卽令仰該縣知事即便查明呈覆切切此令

湖南民

政長印

中華民國三年三月十九日

都督兼民政長訓令

令平江縣知事

內務司案呈據該縣民洪昌俊等呈稱竊平江廟產最富全賴管理得人城區向有靖江藥王兩廟田租至七百餘石店屋租至四百餘畝皆民太高祖父輩管理至昌壽手生聚所致民國光復後劣紳鍾聲鏗以國民黨評議員藉勢闖充城區自治區董擅用私人暴斂公款每公產

出售業價十抽二出佃租金十抽二無論蓄積多寡均以此爲例而獨於靖江廟產抽提尤酷三年中至一千二百串之多昌壽等力阻不得遂辭管理職自去年黃降恆鍾竹堯等以闖充浮濫等情起訴聲鏗於易前知事適聲鏗眷弟易靜皆充當事務員代爲運動屢呈不究緣是聲鏗益恣行無忌利昌壽辭職後又闖充兩廟管理甫經接事即將靖藥兩廟田租擅售一百二十三石價二千串有餘叩以擅賣之由託言彌補城區虧欠查城區自治取消已三個月有何虧欠即有亦不宜取償於兩廟其藉公肥私不攻自破更駭者昌俊家承佃靖江廟公舖一所原進押金三十串並無短少租金及妨害社會事聲鏗以孕恨故不退佃於未受交代之先私行另佃致昌起訴審檢所批交商會開會公斷殊聲鏗恃黨庇護公莫能制昌俊前後起訴及請求商會各節損失至數百金無處呼號民國光復後一般暴徒藉建設名義攫公款肥私囊所在皆是惟聲鏗城區自治浮濫尤甚已經黃降恆等在縣知事起訴有案可稽昌俊爲公家利益起見理合呈請鈞府核奪或遴委幹員或批仰知事遵照 中央政府規定檢察章程檢察之審計手續審計之昭示人民藉平衆忿重公產懲貪劣深爲公便各等情據此除批呈悉業已據情令飭該縣知事按照所呈各節澈底查明秉公辦理矣仰卽知照此批掛發外合行令仰該知事卽便遵照辦理此令

湖南民
政長印

中華民國三年三月十九日

都督兼民政長訓令

令船政處

財政司案呈據沅江縣知事呈稱沅江縣屬之馬王灘每逢冬乾水淺輪船不能行駛必須民船撥送近日輪船行至中途不肯撥送或寫票加價種種糾葛時有所聞日前有南泰輪船由省拖帶退伍軍人赴常行至齊湖口即請大豐小輪拖送并將燒炭付給該輪詎該輪拖至馬王灘水淺停輪僱工將退伍軍士坐船送到沅邑城外遂悍然不顧致與退伍軍士大起糾葛退伍軍士亦紛紛上岸知事恐釀事端當即僱鴻利小輪專送退伍軍士赴常寢事竊思大豐小輪既允拖船赴常應行到埠始卸責任乃中途翻異實於情理不合若非從速調處不特該輪難免爭端即沿路地方亦有妨碍擬請飭令船政局轉知官商各輪嗣後無論拖差裝客均應一律包送到埠毋得中途另生枝節以恤旅艱而免滋擾等情據此查該知事所稱事屬實情應由該處轉知官商各輪嗣後無論拖差裝客均須一律包送到埠毋得中途放棄致生事端合行令仰該處即便遵照毋違切切此令

湖南民
政長印

中華民國三年三月十九日

都督兼民政長指令

令道縣知事

案據該知事呈復追繳籍隸國民黨省議員洪澤灝證書徽章一案可否准予免究等情據此查本公署迭次電令追繳屬於國民黨之國會省會各議員證書徽章係指各該議員當選證書徽章而言該縣省議員洪澤灝既隸國民黨籍屬於省會議員証書徽章自應一律追繳惟據稱洪澤灝會因意見爭執出黨是否捏辭文飾有無確實證據可憑自應詳加調查以分涇渭合行令仰該知事即便遵照查明洪澤灝當日脫離國民黨籍如因宗旨不合曾經報紙排詆確有免追議員證書徽章之理由應即檢附證據飛速詳晰呈復以憑核奪案關報部濡筆以待毋稍徇延切切此令

湖南民
政長印

中華民國三年三月十九日

都督兼民政長指令

令湘潭縣知事

案據該知事呈復省議員沈實華前因改入共和黨已將國民黨證書毀棄等情並據呈繳沈實華甘結一紙共和黨證書一件省議員徽章一枚到署據此查本兼民政長迭次電令追繳

屬於國民黨之閩省兩會議員證書係指各該議員當選證書而言沈實華既隸國民黨籍屬於議員當選證書自應追繳不得以已跨共和黨籍遽予免追來呈以沈實華國民黨證書業經毀棄爲辭自係誤會除將賚到之甘結及省議員徽章一併留存備案外合將共和黨證書發還爲此令仰該知事即便查收轉給仍將沈實華省會議員證書尅日追繳呈賚以憑彙辦毋延切切此令

湖南民
政長印

中華民國三年三月十九日

公電

本省發電

都督兼民政長令各縣知事電

各縣知事湘省煙苗上年經英部員履勘認爲禁絕現正烟苗滋長之時深恐毒卉復萌應卽責成各知事趕緊查勘如有煙苗發現卽將種戶嚴辦並將田畝充公鄰縣界地會同剷辦倘須軍力維持亦卽由該縣隨時電請核示仍將辦法及肅清日期分別電呈本都督當派員復查尙未禁絕定將該知事從嚴懲處事關國際交涉該知事務宜實力奉行無論新舊知事在任一日卽負一日責任如舉辦得力卽當酌予獎勵再禁煙專員亦宜認真查緝惟搜查之時必須遵章先行知會該處巡警正紳檢查并無私帶土膏誣陷情事方准入室倘被查之戶有藉故把持情事應卽嚴拿懲辦以儆刁玩而利進行仰卽分別辦理都督兼民政長湯諫印

中央來電

內務部致長沙都督兼民政長電

長沙都督兼民政長鑒自治奉令停辦本部於二月真日三月元日先後通電令將此項自治收入飭縣分別詳造清冊儘二月內一律呈省三月底報部核辦各在案嗣擬將自治經費酌擬支配暫行辦法呈奉 大總統批此項經費收入複雜應先令行各省民政長調查彙報該部再行擬具辦法呈候核奪等因合亟通電遵照迅予調查按照本部真元兩電辦法及期限詳冊具報以憑核辦內務部印

約法會議致各省都督民政長電

各省都督民政長轉將軍都統參贊辦事長官並轉巡閱使各鎮守使護軍使鑒本會議今日開會孫毓筠當選為議長施愚當選為副議長約法會議效印

公文

都督兼民政長致廣東民政長公函

逕啓者上年十二月五日准貴民政長第八百零三號公函轉准廣東國稅廳籌備處函追前署羅定縣知事李樹甲任內欠解當餉銀兩聲請勒令掃數清解等因到湘准此查此案前准廣東都督咨由譚前都督飭據長沙縣姜前知事轉據該員李樹甲陳明在任虧累情形呈府轉咨嗣復准廣東都督二次咨追又經行縣遵辦在案准函前因當復令催長沙縣知事催追去後茲據該縣知事陳繼良轉據李樹甲早稱樹甲於前清宣統三年八月奉飭署羅定州篆務蒞任一月即值反正土匪蜂起秩序紊亂經該縣紳商開會公議將縣事分爲軍民財三部舉賀蕙珊專任軍政樹甲專任民政梁雨生專任財政各設機關分科辦事百事淆亂經費無著議由財政部將已收之當餉銀一千一百餘兩暫作民政辦公經費計在任七閱月所有署中辦事人役薪水出差旅費以及火食油燭紙張電報筆墨一切雜項共用去銀三千七百餘兩疊次電請前都督撥款補助雖奉電覆酌發迄未給領無從賠墊不得已力請交卸所有支入各款當經造冊移交後任朱令轉報交卸清楚後又經電陳粵省財政司并收有朱令回文在案繼朱令漏未呈報該縣文案具在不難復查樹甲擬即前往粵省詳細陳明以期清結至梁肇基所稱樹甲收過辛亥年當餉銀五十兩細思亦在其內收餉冊籍均存州署樹甲卸任兩年並未携帶冊簿回湘無憑查造合併聲明茲奉前因除由樹甲親往粵省自行清理外

理合呈請查核等情由縣轉呈前來相應函請貴民政長煩為查照轉達為荷此致
廣東民政長

中華民國三年三月十七日

官書報局廣告

啓者本局開辦已近兩月印刷一課早經成立所有機器鉛字等項極爲完備所用紙張均係上選材料價目格外從廉印出各品亦甚精工嗣後如各機關有應行排印之件請逕向本局經理處接洽爲幸

其二

啓者前奉 都督兼民政長令將湖南政報教育公報實業雜誌講演團白話報歸併本局編輯處辦理現擬續出版并先辦軍事通俗報民事通俗報兩種內容力求完美凡願購閱諸君請逕至文運街本局總發行所面訂可也

其三

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書并奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向文運街本局總發行所面訂可也計開書目如左

- 國語教授法
- 算術教授法
- 手工教授法
- 圖畫教授法

以上四種日本田中廣吉著南州熊崇煦譯

合購洋一元一角四分正

- 洋四角八分
- 洋二角八分
- 洋一角九分
- 洋一角九分

初等小學讀本
 初等小學讀本教案
 初等小學讀本
 初等小學讀本教案
 初等小學修身書
 初等小學修身教案
 初等小學修身書
 初等小學修身教案
 初等小學修身書第一卷掛圖十三張
 初等小學算術教案
 小學各科實際教授法
 手工教科書
 少儀教科書
 兒童教授法
 兒童自力研究之啓導法
 兒童個性之研究
 新教育學

第一卷
 第一卷
 第二卷
 第二卷
 第一卷
 第一卷
 第二卷
 第二卷
 第一卷
 第一卷
 第一卷

美國博克格爾氏著
 沈蘇謝慧叔譯
 日本相島龜三郎著
 胡適譯
 美國耳哈博士著
 曹昌羅黑子譯
 美國麥加利博士著
 曹昌羅黑子譯
 日本大川義行著
 晏沙楊樹遠譯
 日本大瀨甚太郎著
 晏沙黃獨譯

特裝一冊
 特裝二冊
 常裝
 特裝
 常裝
 特裝
 常裝
 印刷中
 印刷中

洋五角
 洋二元
 洋二元
 洋二元
 洋一元
 洋四角
 洋三角
 洋三角
 洋六角
 洋二元
 洋五角
 洋一元五角
 洋六角七分
 洋四角
 洋二角二分
 洋四角